



TILSYN MED BARNEHAGAR - informasjon

LOVGRUNNLAG

Lov om barnehager

- § 7 Barnehageeierens ansvar
- § 8 Kommunens ansvar
- § 9 Fylkesmannens ansvar
- § 16 Tilsyn

TILSYN

- Kommunen fører det lokale tilsynet med barnehagar etter Lov om barnehagar [§ 16](#).
- Fylkesmannen fører tilsyn med at kommunen utfører dei oppgåvene som dei som barnehagemynde er pålagt etter lova, jf. Lov om barnehagar [§ 9](#).

Kvifor tilsyn?

- Sikra at regelverket vert følgt.
- Sikra at barnehagetilbodet held ein definert standard.
- Ivareta innbyggjarane sin rettstryggleik.
- Sjå til at offentlege midlar vert nytta i samsvar med føresetnadene.
- Leggja til rette for endring (rettleiing).

Utdjuping:

- Tilsynet er ikkje eit kvalitetstilsyn, men lovlegtilsyn.
- Tilsynet skal sjå til at lover og regelverk vert følgt, og at barnehagen vert driven på ein forsvarleg og lovleg måte, etter barnehagelova m/forskrifter.
- Lov og regelverk har definert ein standard for barnehagetilbodet i Noreg, - tilbodet kan vera godt eller dårleg, men ikkje **ulovleg**.

KOMMUNENS ROLLE

Lov om barnehager

- Kommunen er lokal barnehagemynde, [jf. § 8](#).
- Rettleiing av barnehagane, [jf. § 8](#).
- Godkjenningssmynde, jf. [§ 10](#), jf. [§§ 1 og 2](#).
- Tilsyn for å sjå til at tilbodet er forsvarleg og lovleg, jf. [§ 16](#).

Rettleiing

Barnehagelova markerer at tilsyn og rettleiing er ulike oppgåver, jf. [§ 16](#) og [§ 8](#).

Kommunen sitt ansvar for rettleiing, [jf. § 8](#) første ledd, har til føremål å gje barnehagen oversyn over kva barnehagelova med forskrifter krev.

TYPE TILSYN

Tilsyn kan vera melde på førehand eller umelde.

Melde tilsyn

Melde tilsyn med barnehagar i Sunnhordland vert gjennomført som **systemrevisjon**, der tema for tilsynet vert fastsett for den einskilde barnehage på førehand.

Systemrevisjon:

Systematiske undersøkingar for å fastslå om aktivitetar og tilhøyrande resultat er i samsvar med krav fastsett i, eller i medhald av, lov og forskrift.

- Systemrevisjon er å fastslå om krav i lov og forskrifter vert følgde.
- Ved systemrevisjon har ein fokus på prosess og handlingar fram mot resultat.
- Ved systemrevisjon undersøker ein kva handlingar/aktivitetar som vert gjort for å overhalda lovkrav.
- Systemrevisjon er kva barnehagen gjer for å ivareta ansvar fastsett i regelverket.
- Systemrevisjon føregår i ansvarslinja. Organisasjonen er ansvarleg, ikkje den einskilde tilsette.
- Systemrevisjon er grunnlag for kvalitetsutvikling.

Umelde tilsyn:

Umelde tilsyn kan vera på grunnlag av bekymringsmeldingar som barnehagemynde får kjennskap til, og finn grunn til å undersøkje nærare.

Det kan t.d. gjelda:

- Tal barn i barnehagen.
- Bemanning.
- Areal i høve til barnetal, inne og/eller ute.
- Tryggleik for barn og tilsette.

Barnehagemynde koplar inn andre tilsynsmynde dersom det gjeld avvik etter andre lovverk.

PLAN FOR TILSYN:

Det vert utarbeidd tilsynsplan, med namn på barnehagar som skal ha tilsyn, tema for tilsynet og kven som utfører tilsynet.

GJENNOMFØRING AV SYSTEMTILSYN

- Gransking av dokument.
- Intervju av personar i ansvarsrekkja i barnehagen.
- Verifikasjon (stadfesting) av om drift er i samsvar med barnehagelova.

Gransking av dokument

Før gjennomføring av tilsynet skal det hentast inn informasjon frå barnehagen:

1. Vedtekter for barnehagen.
2. Organisasjonskart, eller andre dokument som syner eigartilhøve, ansvar og oppgåver.
3. Areal, inne og ute.
4. Namneliste som viser bemanning, årsverk, funksjonar og kompetanse.
5. Oversyn over barn, - alder og opphaldstid, fordelt på avdelingar.
6. Årsplan og ev. andre planar.
7. Dokumentasjon- og vurderingsarbeid.
8. Årsmelding BASIL.
9. Ev. årsrapport.
10. Resultat av ev. brukar-/medarbeidarundersøkingar.
11. Annan relevant informasjon.

Tilsendte dokumentasjon vert vurdert opp mot lovkrav i tema for tilsynet. Dokumentasjonen dannar grunnlag for sjekklister og spørsmål i intervjurunden.

Gjennomføring – plan

Programmet vil sjå omlag slik ut:

1. Synfaring i barnehagen – inne og ute.
2. Opningsmøte der ein kort orienterer om tilsynet.
3. Intervju i ansvarsrekkja:
eigar – styrar – pedagogisk leiar (ev. fleire) – fagarbeidar/assistent (ev. fleire).
4. Tilsynsførarane: verifikasjon/stadfesting av ev. funn.
5. Sluttmøte.

Til vanleg vil desse verta intervju, i tillegg til å vera med på for- og sluttmøte

- Barnehageeigar.
- Styrar i barnehagen.
- 1 eller fleire pedagogisk leiarar (kjem an på størrelse på barnehagen).
- 1 eller fleire fagarbeidarar/assistentar (kjem an på størrelse på barnehagen).

OPPFØLGING ETTER TILSYN

Tilsynsleiar skriv rapport på grunnlag av tilsynet. Rapporten vert sendt til kommunen som barnehagemynde, med kopi til barnehagen. Av rapporten vil det framgå om det er avdekka ulovlege tilhøve. Rådmannen i den enkelte kommune har ansvar for oppfølging av ev. avvik. Det er utarbeidd eigne prosedyrar for oppfølging av tilsyn.

Dersom fristen for pålegg om retting ikkje vert overhalde, eller det ulovlege tilhøvet ikkje vert retta, kan kommunen ved rådmannen vedta tidsavgrensa eller varig stenging av barnehagen. Pålegg om retting og stenging er eit einskildvedtak etter forvaltningslova.

Vedtak om stenging skal leggast fram for aktuell politisk komité. Vedtak om retting og stenging kan klagast til fylkesmannen, som kan prøva alle sider av vedtaket.

[Forvaltningslova](#) sine saksbehandlingsreglar om førehandsvarsel § 16, innsynsrett §§ 18 og 19, grunngeving §§ 24 og 25, klage §§ 28 og 29 mv. gjeld, jf. forvaltningslova § 28, jf. § 34.

Tilsynsrapportar dannar grunnlag for ein årleg rapport om tilsynsverksemda i barnehagane. Rapporten vert lagt fram saman med kommunen si årsmelding.

TILSYNSGRUPPA

I regi av Forum for Oppvekst i Sunnhordland/FOS, samarbeider seks kommunar om tilsyn i barnehagane.

Rådmannen i den einskilde kommune oppnemner tilsynsførarar for barnehagane. Desse personane vert sett saman til eit regionalt tilsynskorps.

Tilsynsførarar i FOS utfører på oppdrag eit eller fleire tilsyn i kommunane. Det er alltid heimkommunen som er ansvarleg for tilsynet.

TILSYNSKORPS I FOS KOMMUNANE BARNEHAGEÅRET 2019-2020:

Bømlo kommune	Organisasjonssjef Aud Gunn Løklingholm Rådgjevar Kristin Skare
Etne kommune	Pedagogisk rådgjevar Dagfinn Garnes-Johnsen Styrar Torhild Molland
Fitjar kommune	Pedagogisk leiar Else Mari Grimen Rådgjevar Mone Nilsen
Kvinnherad kommune	Rådgjevar barnehage Signy Prestnes Pedagogisk leiar Åsta Johnsen Styrar Laila Herheim
Stord kommune	Pedagogisk leiar Heidi Nyrud Uppheim Rådgjevar barnehage Ragnhild Storebø Rådgjevar barnehage Anne Marie Berentsen Styrar Trine Hellesfjord Inger Vik Framnes
Sveio kommune	Rådgjevar barnehage Gunnhild Staupe Styrar Lise Ingebrigtsen Pedagogisk leiar Olaug Lodden

Gruppa kan knyta til seg annan aktuell kompetanse, t.d. jurist, økonom, helsesøster mv